

刑賞忠厚之至論

堯舜禹湯文武成康之際何其愛
民之深憂民之切而待天下之以君子
長者之道也。有一善從而賞之又從
而詠歌嗟歎之所以樂其始而勉
其終；有一不善從而罰之又從而
哀於懲創之所以棄其首而闢其
新故其吁俞之聲歎忻慘戚
見於虞夏商周之書

成康既沒穆王立而周道始衰，
然猶命其臣呂侯而告之以祥刑，
其言憂而不傷威而不怒慈愛
而能斷惻然有哀憐無辜之心
故孔子猶有取焉。傳曰：「賞疑
從與所以廣恩也；罰疑從去所以
謹刑也。」

當堯之時皋陶為士將殺人。皋陶曰
殺之三。堯曰宥之三。故天下曰長
皋陶執法之堅而樂堯用刑之寬。
四岳曰：「鯀可用。」堯曰：「不可。」鯀方
命圯族。既而曰：「試之。」何堯之不聽
皋陶之殺人而從四岳之用鯀也！然
則聖人之意蓋亦可見矣。書曰：「罪
疑惟輕功疑惟重。與其殺不辜，
寧失不輕。」嗚呼！盡之矣。
可以賞可以無賞，賞之過乎仁；
可以罰可以無罰，罰之過乎義。
過乎仁不失為君子；過乎義
則流而入於忍人。故仁可過也。
義不可過也。古者賞不以爵祿，
刑不以刀鋸。賞以爵祿是賞之道，
行於爵祿之所加而不行於爵祿之
所不加也。刑以刀鋸是刑之威，施
於刀鋸之所及而不施於刀鋸之

所不及也。先王知天下之善不勝賞，
而爵祿也；知天下之惡不勝刑，而
刀鋸不足以裁也。是故疑則舉
而歸之於仁，以君子長者之道待
天下，使天下相率而歸於君子長
者之道。故曰：忠厚之至也。
詩曰：君子如祉，亂庶遄已；
君子如怒，亂庶遄沮。夫君子
之已亂，豈有異術哉？制其喜怒
而不失乎仁而已矣。春秋之義，立
法貴嚴而貴人貴寬，因其褒貶
之義以制賞，亦忠厚之至也。

歲次丙戌春月於

佛光正德王師一教書